



DIARIO

E MATUTINO DI ARUBA

Abonado pa luna Afl.19,00*Pa ehemplar 80 cent*aña12/No.3458

DIARANZON 15 JANUARI 1992

Victima di accidente di Tanki Leendert a fayece

PROME MORTO DI TRAFICO PA 1992

KWIHI TA SIGUI PROMOVE ARTISTANAN LOCAL



E personanan responsable pa e contenido di e revista "Kwihi" di Air Aruba ta preparando caba e proximo edicion di esaki, y den dje nan lo tin un entrevista extenso cu e musico Arubano Hildward Croes. Esaki a sosode despues cu Nancy Rodriguez di Travel Media Corporation a tuma nota cu prensa internacional tabata poniendo masha hopi atencion riba e ultimo gira exitoso di Grupo 4.40 na Merca y Europa. Segun Nancy Rodriguez, Grupo 4.40 ta hopi popular rond mundo, y e ta masha contento cu e por a logra un entrevista cu un Arubano kende ta integrante di e popular grupo aki. E entrevista aki a ser haci ayera den Desires Cocktail Lounge di Sonesta Hotel. Por mira aki d.r.p.d. Hildward Croes, Jodie Brown, Kate Fletcher (ambos di Printworks International), y Nancy Rodriguez. Revista "Kwihi" ta ser reparti gratis na tur pasahero di Air Aruba y tambe pa tur agencia di viahe cu ta traha cu e aerolinea aki.

TIRONAN STRAÑO TA SER SCUCHA BANDA DI PRISON

ORANJESTAD (AAN): Na varios ocasion tiro ta ser scucha na altura di Prison na San Nicolas. Recientemente esaki tambe tabata e caso caminda polis a ser informe di un otro caso.

Segun esnan cu lo a scucha e tironan aki, lo tabata trata di arma pisa. Polis mes no a constata nada. Segun informe, aparentemente guardianan di prison tambe lo a scucha e tironan.

Den scuridad na Grapefield ta hopi cos lo ta tumando lugar, hasta

gritamento tin, hende nan careda, avioneta cu ta bulando hopi abao.

E pregunta ta, ki dia e patruyanan di kustwacht lo cuminsa atrobe? Ta Ministro di Justicia so lo por sa ya cu pa algun aña caba esaki lo a ser para. E decision ey seguramente no ta yuda cu nada den combatimento di narcotrafico.

E control na costa mester cuminsa atrobe ya cu via di laman ta hopi cos ta worde treci tera.

LA CABANA A FIRMA CU PLAYERS CLUB INTERNATIONAL

ORANJESTAD (AAN): La Cabana y Royal Cabana Casino a anuncia cu nan uni nan mes cu Players Club International. E afiliacion aki lo sirbi pa promove y vende La Cabana pa hungadornan di mercado medio kendenan regularmente ta viaha pa hotel y casinonan rond di mundo, y ta e asina yama frequent players di casinonan.

Gerente general di La Cabana, David Page, a bisa: "Nos ta reconece e gran potencial di e mercado potente aki di hungadornan cu ta cay entre "high rollers" y hungadornan ocasional, y ta constitui e segmento di mas grandi di e industria di casubí,

"Cu aceso directo na e miembrecia exclusivo di Players Club di mas di 90.000 hungadornan cualifica, La Cabana All Suite Beach Resort & Casino por drenta efectivamente y agresivamente den e mercado di weganan competitivo," el a nota.

E exito di Players Club ta sinta den e seguranzapa e reconocimiento di e hungadornan medio aki, dunando nan prijsnan preferencial y trato di VIP cu no ta ser ofreci

regularmente door di casinonan.

Hungadornan recreacional tin biaha no ta ser teni na cuenta y no ta ricibi recompensa pasobra nan 'bet' average ta cay bao di e nivel cu gerente di casino por detecta.

Players Club International ta uni e red extensivo di venta y mercadeo di La Cabana di mas di 39 representante rond mundo cu ta traha cu e hungadornan internacional "high rollers" den henter Europa, Asia, y America.

Miembronan di Players Club cu ta kedando na La Cabana ta ricibi descuento for di tur e habitacionnan di e hotel, di cuminda y bebida na cinco restauran y dos bar y privilegionan di para den fila di VIP ora di mira show y reduccion di prijs pa entrada pa actuacion na e Tropicana Showroom di 600 asiento.

Otro beneficiacion pa huespednan ta uso gratis di equipo, di e canchangan di squash y racquetball, tennis complimentary, deporte aquatico, service charge y tax, etc.

La Cabana lo sali publica den e boletin mensual "Hot Sheet" di Players Club cu ta ser manda pa mas di 90.000 miembro.